

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Info-Box	
Bestell-Nummer:	4119AT
Mundart:	Österreich
Komödie:	3 Akte
Bühnenbilder:	6
Spielzeit:	130 Min.
Rollen:	22
Frauen:	8
Männer:	14
Statisten	5
Rollensatz:	23 Hefte
Preis Rollensatz	195,00€
Aufführungsgebühr pro Aufführung: 10% der Einnahmen mindestens jedoch 85,00€	

4119AT

Showtime

Komödie in 3 Akten

von
Christian Oberthaler**22 Rollen für 8 Frauen und 14 Männer + 5 Statisten**

6 Bühnenbilder

Zum Inhalt:

Dein Dorf hat keinerlei Attraktivitäten anzubieten.

Es will aber mit aller Macht berühmt und bekannt werden.

Die Veranstaltung von x-treme-Games geht gehörig in die Hose.

Man entschließt sich daher einzelne Gemeindevertreter in die gängigen TV-Shows zu entsenden, damit sie dort für Furore sorgen.

Leider verwechselt die Gemeindesekretärin bei der Anmeldung/Berwerbung Kandidaten und Shows.

Der Wahnsinn nimmt seinen Lauf.....

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Bühnenbild

Gemeinderatssitzung in dem unbedeutenden, kleinen Dorf St.Nirgends an der Seicht. Wir sehen eine typische Gemeindestube mit einem Wappen, Eingangstüre, langer Sitzungstisch mit Sesseln. Daneben ein kleiner Schreibtisch mit einem Laptop für die Sekretärin.

1.Akt

Die Gemeinderäte sind am Sitzungstisch versammelt, unter Vorsitz des Bürgermeisters .Die Sekretärin abseits am Schreibtisch. Sie kaut allerdings desinteressiert an ihrem Kaugummi und widmet sich der Pflege Ihrer Fingernägel.

Bürgermeister: *(steht auf – zu allen)*

Werte Gemeinderatsmitglieder, ich darf sie zur heutigen Sondersitzung herzlichst begrüßen.
(zu Silvia) Frl. Kon, nehmens bitte die Teilnehmer zu Protokoll *(diese reagiert nicht)*
(etwas lauter) Frl.Kon ! *(diese reagiert nicht)*
(eindringlicher) Sylvia ! Sogns amoi schloffn sie no ?

Silvia: *(schreckt auf – hört sofort auf mit Nägellackieren – verlegen zu Bürgermeister)*

Tschuldiung Chef, owa i bins goar ned gwohnt, dass ma mi mit mein richtigen Nomen onspricht.
Eigentlich hurch i jo nur auf mein Spitznomen.

Bürgermeister: *(zu Sylvia – leicht genervt)*

Und der wäre , *(betonend)* geschätztes Fräulein Silvia Kon.

Silvia: *(zu Bürgermeister – leicht verlegen mit Geste ihre Oberweite ins Licht rückend)*

Sili Kon !

(Bürgermeister schüttelt den Kopf, Raffl „No bravo, sog i“, Wendelin und Checker lachen)

Bürgermeister: *(zu Sylvia – gereizt)*

Oiso Silvia jetzt reissn´s ihna zomm.
(vorwurfsvoll) Außdem sans in dera Wochn scho drei Moi zschpod in die Oarbeit kemma.
Wos sogt ihna des , ha ?

Silvia: *(zu Bürgermeister – unschuldig heiter)*

Das heit Mittwoch is, Herr Buagamoasta. *(Bürgermeister greift sich an den Kopf)*

Wendelin: *(zu allen)*

Oiso do hod sie zumindest recht.
Ned dumm , de Onwort.

Raffl: *(zu Wendelin - sarkastisch)*

Jo jo, de 8 Klassen Hüfsschui hom se scho auszoid.

Silvia: *(zu Raffl – rechtfertigend)*

Owa immahin woar i in da 2. Leistungsgruppn.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Raffl: (zu anderen)

I frog mi wia de in Aufnahmetest in da Gemeinde bestondn hod.

Silvia: (zu Raffl - trotzig)

Ha... do ... i hob man den Test sogar aufgehoin (*zeigt triumphierend ein Blatt Papier her*)

Immahin hob i de erstn 3 Frogn komplett richtig beantwortet.

Raffl: (zu Silvia)

Und was woarn des fia Frogn ?

Silvia: (liest vor - stolz)

Name, Adresse, Geburtsdatum (*belustigte Reaktionen der anderen - außer Bürgermeister*)

Bürgermeister: (zu Silvia – genervt)

So Frl. Silvia jetzt nemmans bitte endlich die teilnehmenden Personen zu Protokoll.

(*jeweils auf die Person zeigend - die nickt dann kurz*) GR Dorothea Raffl - SPÖ , GR Jo Checker - BZÖ, GR Wendelin Schusslig - Grüne, und meine Wenigkeit Balthasar Wampl -Bürgermeister - ÖVP.... (*Silvia sitzt zögernd vor dem Laptop - denkt dann nach*)

(*ungeduldig*) Was is los Frl. Kon ?

Silvia: (zu Bgmst.)

A nix.... (*deutet auf Laptop*) des deppate Passwort

Bürgermeister: (zu Silvia - ungehalten)

Geh bitte... se wern do ned scho wieda des Passwort vagesst hom.

Silvia: (zu Bgmst.)

Na des woas i eh.

Mei Passwort is 4 mal die Fünf

Bürgermeister: (zu Silvia - gereizt und ungeduldig)

No ebn, donn gebns endlich de 4 Fünfa ei.

Silvia: (zu Bgmst. - naiv)

Owa i woas jo neama in wöchana Reihenfolge (*Bürgermeister wischt sich Schweiß von Stirn, Checker und Raffl vergraben Hände im Gesicht*)

Wendelin: (steht auf und geht zu Silvia)

Des homma glei Frl. Silvia sodala (*tippt 4 mal auf dem Laptop*)

Silvia: (zu Wendelin - flirtend)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Sie san ein Schatz, Herr Schusslig. (*Wendelin ist verlegen und kehrt an seinen Platz zurück - Silvia tippt nun am Laptop die Namen ein*)

Bürgermeister: (zu allen)

Nun, sche longsom soit ma zur Tagesordnung kumma.
Gemeinderat Jo Checker hod heit a Sondazitzung einberufn..

Raffl: (zynisch)

Jo Checker, do lochn jo de Hena.

Wendelin: (zu Raffl - vorwurfsvoll)

Es zeugt nicht gerade von Toleranz, sich über den Namen eines Kollegen lächerlich zu machen.

Raffl: (zu Wendelin)

Namen... Namen..... den hoda doch erst seit seiner BZÖ Kaderschulung.
Wei des hoid coola klingt- (*betonend*) Jo Checka
Fria hoda gonz normal Gneissa Pepi ghoaßn. (*Wendelin erstaunt, Checker verlegen*)

Bürgermeister: (zu allen)

Sei's wia sei.... da Pepi....äh...da Jo, der hod onscheinend was wichtiges zu besprechen. (*BÜRGERMEISTER SETZT SICH WIEDER*)
(zu Silvia - kurz) Frl. Kon sie schreiben mit für's Protokoll. (*unterbricht genervt ihre gerade begonnen Fingermaniküre und greift an die Tastatur*)
(zu Jo) Oiso Jo, um was geht's ?

Checker: (zu allen - kärntner Dialekt)

Sehr geehrter Herr Bürgermeister, liebe Gemeinderäte.
Es ehrt mi natürlich sehr, dass i schon in ihrem ehrwürdigen Gremium tätig sein darf, obwohl i,
wie sie jo sihalich wissn, erst vur kurz n aus dem schenen Kärntnalond hierher übasiedlt bin.

Raffl: (sarkastisch in die Runde)

Genau, söwa a Einwondara owa üwa de Immigranten fest schimpfn, da Herr BZÖ-
Abgeordnete.

Checker: (zu Raffl)

I muaß doch sehr bittn Frau Kollegin, heite geht's doch nit um Parteifoarbn. (*Raffl winkt verächtlich ab*)
Außa dem hobn mir vom BZÖ üwahaupt nix gegen Auslända von sie ois Gäste kumman, egal ob Araba, Japana oder sogoar Nega.

Raffl: (zu Checker - zynisch)

Des glab i gern.... wei es ko goar koa Nega so (*macht Geldzeichen*) nega sei wia de Kärntna
Londesregierung.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Checker: *(weinerlich - in Taschentusch schneuzend)*

Jo mei seit unsa Jörgele, gott hob in selig, nimma is.....

Bürgermeister: *(zu Checker und Raffl - ungehalten)*

Jetzt kummans endlich a ufn Punkt Herr Checka und sie Frau Raffl untabrechn ned imma, sunst samma morgn no do.

Checker: *(zu allen)*

Oiso, mia Kärntna homma aufjedn Foll a lange Tradition im Fremdnverkehr.
Und mir is eben aufgolln, da in diesem Ort hier, in St.Nirgends on der Seicht, sich im
Tourismus üwahaupt nix obschpült.
Mia do, samma fian Fremdnverkehr total unattraktiv....

Bürgermeister: *(zu Silvia - als er bemerkt das sie sich abmüht beim Tippen)*

Schreibns „wenig anziehend“ Frl. Silvia, wei unattraktiv is ihna eh z'kompliziert. *(Silvia macht erfreute Geste und tippt eifrig)*

Raffl: *(zynisch - zu allen)*

Jo mit „wenig anziehen“ kennt sie si sicha besa aus.

Silvia: *(zu Raffl - schnippisch)*

Nur koan Neid.

Checker: *(zu allen)*

Wia gsogt, mir hobn do im Ort leider goar nix Besonderes oda Intressantes wos ma va morkn kennt.

Wendelin: *(zu Checker)*

Was moanan sie mit Besonderes oda Intressantes ?

Checker: *(zu Wendelin)*

No jo...wos was i...z.B. ...ein Skigebiet !

Raffl: *(zu Checker - sarkastisch)*

Jo wo soin mia a Skigebiet hernemma.

De hechste Erhebung im Umkreis von 200 Qua dratkilometa is in Buagamoasta sei Misthaufn.
(zu Bürgermeister) Owa du konnst jo a Schneekanon auf dein Misthaufn installiern,
vielleicht stinkta donn weniga.

Bürgermeister: *(zu Raffl)*

Wos host den du Sozi scho fia a Ohnung von da Londwirtschaft... du rode Fabriks-Schnepfn du. *(erboste Geste von Raffl)*

Silvia: *(verzweifelt beim Tippen)*

Moment, Moment...ned so schön.

I bin grod bei de 200 Quadratkilometa.... Oiso Quadrat schreibt ma mit...K..W..A..D

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Bürgermeister: (zu Silvia - genervt)

Schreibns hoid ...im Umkreis von sehr weit ...gibt's keine Erhebung

Silvia: (zum Bürgermeister - naiv kichernd)

Umkreis mit God mitck (Bürgermeister fasst sich verzweifelt an den Kopf)

Raffl: (zu Silvia - belustigt)

Geh schreib oafoch ...weitumadam - ois Floch.

Silvia: (zu Raffl)

Danke - des is ursupa (tippt ein)

Checker: (süffisant)

Jo jo ... wonn mia Männa uns mitn Kopf beschäftigen, donn nennt ma dos Denkn

Silvia: (zu Checker - neckisch)

Und bei uns Frauen ?

Checker: (zu Silvia - belustigt)

Friesiern ! (Silvia kichert)

Raffl: (zu Checker)

Hallo Hallo...ned olle Fraun in an Topf schmeißn.
Do gibt's scho Untaschiede.

Checker: (zu Raffl - belustigt)

I kenn nua in Untaschied zwischen a na Frau und an Tumor.

Wendelin: (zu Checker)

Goar kana - olle zwa san gefährlich.

Checker: (zu Wendelin - belustigt)

Foisch... ein Tumor kann auch gutmütig sein.

Raffl: (zu Bürgermeister - vorwurfsvoll)

Muaß i ma des biets lossn.
Und du sitzt nur do und sogst nix.
Du bist so a richtige „ Foisch-Vabundn-Burgamoasta “

Bürgermeister: (zu Raffl - erbost)

Des va bitt i ma.
Wos soi denn des üwahaupt hoäßn... „ Foisch-Vabundn-Buagamoasta “ ?

Raffl: (zu Bürgermeister - lakonisch)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Am bestn aufgehänga und nei wöhn.

Bürgermeister: (zu Raffl - mühsam um Worte ringend)

Oiso... Oiso... du bis doch... owa geh is jo eh sinnlos..
(zu Checker - genervt) Mochns bitte weita mit i hrn Vortrog.

Checker: (zu allen)

Wia gsogt mia homma kane Berg
Und See homa leida a kann wia da Wörthasee und da Ossiahasee oda so.

Bürgermeister: (zu allen- rechtfertigend)

Nojo mia hom jo eh vurign Summa an Bodeteich a usghobn.
Owa des hod jo a nix brocht.

Raffl: (zu Bürgermeister - spöttisch)

Bodeteich – das i ned loch.
Der woar so kloa, do homma ned a moi Fisch einitoa kena.

Wendelin: (zu Raffl)

Na na, so vü i woas wurde eine Zuchtforelle eingesetzt.

Raffl: (zu Wendelin - spöttisch)

Jo owa des is beim Teich vurn und hinten 20 cm aussigstondn.

Bürgermeister: (zu Raffl - ungehalten)

Geh red do koan Bledsinn.
Imma hin woar unsa Teich 5 Meta long und 3 Meta broad.

Raffl: (zu Bürgermeister – zynisch)

Wonnst ois no so genau woast, donn werst di a no erinnan kena, wia ma uns blamiert hobn mit dera Froschlockn.

Checker: (zu Raffl)

Wa rum blamiert, werte Kollegin ?

Raffl: (zu Checker - höhnisch)

No jo – 15 m² Wossafäche und unsa geschätzte (auf Silvia zeigend) Gemeindesekrtärin hod am Ufer zwoa Schüda ohbringa lossn. (Wendelin und Bürgermeister greifen sich wissend an den Kopf und Silvia kichert etwas verschämt)

Checker: (zu Raffl)

Zwa Schülda mit wos fana Aufschrift ?

Raffl: (zu Checker)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Am ersten is gstonen „NICHTZU WEIT HINAUSSCHWIMMEN“(*peinlich berührte Gesten bei Bürgermeister und Wendelin*)

(*BILD von kleiner Lacke mit entsprechendem Schild*)

Silvia: (*zu Raffl – leicht beleidigt*)

I hobs jo nur guad gmoant – für die Sichaheit von unsare Summagäst.
Und des zweite Schüdl woar zwengan Umweltschutz (*zu Wendelin*), geh Herr Wendelin.

Wendelin: (*vergräbt verschämt die Hände im Gesicht – sarkastisch*)

Joo !

Checker: (*zu Silvia*)

Aha, was is do obngstondn „BITTE GEWÄSSER NICHT VERSCHMUTZEN “ ?

Raffl: (*zu Checker – zynisch*)

Na „ WASSERSKIFAHREN VERBOTEN ! “

(*BILD von kleiner Lacke mit entsprechendem Schild*)

Checker: (*zu allen*)

No jo , wie dem auch sei.

Jednfolls homma mia in unsam Dorf leida a uch keine Thermalquellen oder ä hnliches.
Olso kemma auch keine Therme eröffnen.

Bad St.Nirgends hurchat sich guat on, spülts oba leida nit.

Silvia: (*zeigt auf – zu allen*)

Sorry !

Quellen mit k oda mit g ? (*genervte und peinlich berührte Gesten + Mimik von Bürgmeister, Wendelin und Checker*)

Raffl: (*zu allen – zynisch*)

Und somit wiss ma auch , warum des Lieblingsauto vom Frl. Silvia ein BMW ist.

Wendelin: (*zu Silvia schmeichelnd – die reagiert neckisch lächelnd*)

Weia flottes Foahrzeig zu an flottn Madl passt.

Raffl: (*zu Wendelin – zynisch*)

Na ,wei´s de oanzige Automarkn is, wos sie buchstabiern ko

Silvia: (*zu Raffl - beleidigt*)

Außadem foahr i goar kann BMW – i hob an Goif GTI

Raffl: (*zu Silvia – zynisch*)

Des passt genau ... GTI **GEHIRN TÖTER INSASSE** (*Silvia reagiert entrüstet*)

Bürgermeister: (*zu Raffl*)

Wonns noch denn gangat, miaßast owa du an an VW hobn.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

VORSICHT – WAHNSINNIGE

Raffl: (zu Bürgermeister)

Aha... drum Hostdu an OPEL

OFFENSICHTLICH **PROLET****EVENTUELL** **LANDWIRT**

Bürgermeister: (zu Raffl – springt erbost auf)

Oiso , des ist doch eine ungeheuerliche....

Checker: (geht dazwischen - beruhigend)

Owa meine Herrschoftn, beruhigns ihna doch.

So kumma ma jo ned weita. (*Bürgermeister setzt sich wieder*)

Mia woama jo bei de leida nicht vorhandenen Thermalquellen

Bürgermeister: (zu Checker)

Mia homm jo eh vur zwoa Joahr auf mein Hof a Probebohrung gmocht. (*Raffl ab wertende Handbewegung und zynisches Lächeln*)

Checker: (zu Bürgermeister- interessiert)

Und... wos is aussakumma ?

Bürgermeister: (zu Checker – etwas verlegen)

No jo, zerst homma glaubt mia homm a Loga mit heilsomen Fangoschlomm entdeckt.

Checker: (zu Bürgermeister- interessiert)

Und....?

Raffl: (zu Checker - sarkastisch)

.... und donn isa draufkumma, dasa sei eigene Klärgruabn ohbohrt hod, der Dodl.

Bürgermeister: (zu Raffl)

Nocha is ma imma gscheida.

(zu Silvia) Frl. Silvia – nehmen sie zu Protokoll, dass eine gezielte Bohrung physikalisch völlig unmöglich woar.

Owa passens auf das physikalisch ned wieda mit F schreiben , wia letztes Moi.

Silvia: (zu Bürgermeister – rechtfertigend)

Wos kann i dafia, dass bei meina Tastatur des V kaputt woar. (*genervte Reaktion bei Bürgermeister, belustigte bei Raffl*)

Checker: (zu allen)

Liabe Leitn, durbs eich net üwa de Vagongenheit streiten.

Heite geht's um die Zukunft von St.Nirgends on der Seicht.

Und leida homma mir , wie bereits festgestöllt, einen akuten Mongel on Attraktionen .

Mir homma jo nitamol a söltene Tieroart anzubieten.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Wonns wenigstns a poar Mankele do gabatoda an Boartgeia oda sowos

Wendelin: (zu Checker – einwendend - steht auf)

Do muaß i ois Vertreter der Grünen Partei entschieden widersprechn.
Auf uns are Dorf wiesen ist eine äußerst seltene Insektenart heimisch, die „Gemeine Feldgrille“ – lateinisch „Gryllus campestris“ .
(schwärmerisch) Eine wahre Schönheit... mit kräftigen Beißwerkzeugen, hervortretenden Punktaugen, kugelförmigem Kopf, leichtrötliches, breites Hinterteil und... Allesfresser.

Bürgermeister: (zu Wendelin)

(auf Raffl zeigend) Aha... des Viech is praktisch identisch mit da Frau Raffl, owa ob deswegn a Tourist kummt ?

Raffl: (zu Bürgermeister- steht auf - aufgebracht)

Du pass amoi auf geh.
I wer di glei mit meine kräftigen Beißwerkzeuge bearbeitn du.. du... Bauanklachi du ausgschamta du.

Checker: (zu allen beruhigend)

Ober Bitte, werte Kollegen so kumman mia jo nit weita (Raffl setzt sich wieder)
I hob mi erkundigt, ob mir in da Umgebung evtl. an berühmten Sportla hätten, so wia bei uns in Kantn da Klamma Franzl.
Owa leida ... nix.... Fehlannonce.

Bürgermeister: (steht auf wirft sich in Pose – stolz)

Bitte ... do mecht i owa schon in ollä Bescheidenheit onmerken dass ich 1986 bei den LAGERHAUS- OUTDOOR -GAMES teilnumma hob.

Raffl: (genervt und abwertend)

Marand Josef, hiaz kimba wieda mit seine oidn Gschichtn daher.

Checker: (zu Bürgermeister -fragend)

Logahaus Outdoor Games ... was isn dos ?

Bürgermeister: (zu Checker – erklärend - stolz)

Jo des war ned ohne.
Des war sozusogn ein Agrarier-Quatratlon.

Silvia: (eintippend)

Mamma mia – was isn des fia a Wort ?

Raffl: (zu Silvia)

Tua da nix oh – schreib oafoch Bauanolympiade ... mit hoartn P und Y.

Silvia: (eintippend und dann lesend)

Mit hoartn P und Y.... owa des hoast jo donn Payanolympiade. (Raffl vergräbt Hände im Gesicht)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Checker: (zu Bürgermeister - interessiert)

Sogns amoi Herr Buagamosta bei diesem Qadratlon.. oiso Vierkompf... wölche Disziplinen hods denn do gebn ?

Bürgermeister: (zu Checker – erklärend – stolz - angeberisch)

Boh... des woar zach... des koni i ihna sogn (*ab werdende Gesten und Mimik von Raffl*)

Da erste Bewerb woar da GUMMISTIEFL-WEITWURF.

(*BILD*) Gummistiefelweitwurf (Google „die irrsten Sportarten - Kopf vom Bürgmeister hineinschneiden)

Donn homma noch ghobt des STROHBALLEN-WETTESSEN (*BILD von Bürgermeister mit Serviette, Messer und Gabel vor einem Strohhallen*)

Schließlich homma auch noch einen Schwimmbewerb absolvieren miaßn.
Owa do woar i oiwei guat.

Raffl: (zu allen – sarkastisch)

Jo bsundas beim **DAMENBRUSTKAULEN**

(*BILD vom Bürgermeister wie er Dame mit großer Oberweite begripscht*)

Bürgermeister: (zu Checker)

Hurchns ned auf de.

Des woar da härteste Bewerb von olle.

100 METER RÜCKENSCHWIMMEN IN DER KLÄRGRUBE

(*BILD Schwimmer im Schlamm - (Google „die irrsten Sportarten“)*)

Und da letzte Bewerb woar des **KAMPF-SCHMEIZLN**

Checker: (zu Bürgermeister – fragend)

Wos...?

Bürgermeister: (zu Checker – wiederholend und auf die Leinwand zeigend)

Kampfschmeizln !

(*BILD*

Kampfschmeizln (Google „die irrsten Sportarten“)

(*Silvia kichert , Checker lächelt und Raffl und Wendlin schütteln nur die Köpfe*)

Noch dieser Disziplin bin i owa leider disqualifiziert wurn.

Checker: (zu Bürgermeister fragend)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Warum den doss ?

Bürgermeister: (zu Checker)

Se hom mi a usn Bewerb gnumma wegn Wiederbetätigung

(BILD vom Bürgermeister mit Hitlerbärtchen vom Schnupftabak.)

(Wendelin, Raffl und Silvia schütteln lachend die Köpfe)

Checker: (zu allen ausser Bürgermeister)

I wer eich wos sogn , LeitIn.

Des mitn Buagamoasta (auf die Leinwand zeigend) seine Bewerbe , des is goar ned so lähalich. (Bürgermeister nickt stolz – fühlt sich bestätigt)

Wendelin: (zu Checker – fragend)

Wos soi des hoaßn ?

Checker: (zu allen ausser Bürgermeister - erklärend)

Jo denkts doch a mol noch !

Mia hom doch grode festgstölt, das ma in unsam Urt nix a ussagewöhnliches onbietn kenan. Und mit gonz normale Veronstoltungen wia...wia a Wiesnfest oda a Theateraufführung... oda an

Fuaßboispü...do konnst heite kann mehr hintan Ofn viera lockn.

(zustimmendes Gemurmel der anderen „stimmt“, „wiss ma eh“, „nix neichs“)

De Leit wolln heite ein total abgefahrenes Event, de woin wos ausgeflipptes. Siagt ma jo jedn Tog in die Medien

(aufzählend und immer auf Leinwand zeigend)

Extrem Jogging 1000 km durch die Wüste (BILD von Wüstenmarathon)

Oda „**Strongest man Bewerbe**“ (BILD von Käftkämpfer, der einen Lastwagen zieht)

Skifahrn ned auf da Pistn... na....mittn durch de Heisa (BILD vom Red Bull Play Streets in Bad Gastein) (Die anderen blicken sich etwas verwundert an, fragend worauf er den hinaus will)

Und drum moch i eich den Vurschlog, das mia do bei uns... (stolz) die 1. St.Nirgends on der Seicht-Xtreme-Games veronstolten. (bewunderndes und erstauntes Raunen der anderen über diese Idee)

Silvia: (zu Checker)

Xtreme mit G oda mit CK ?

Raffl: (zu Silvia – sarkastisch)

Tua wia beim Lottoschein – moch oafoch a x . (Silvia tippt demonstrativ ein)

Wendelin: (zu Checker)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Oiso des klingt jo seh intressant, werter Kollege (*die anderen nicken zustimmend*), owa Skifoahrn durch de Heisa oda Lafn durch de Wüste usw..., des wird hoid bei uns a ned geh.

Checker: (*zu allen - erklärend*)

Koa Ongst, Leitln.

I hob ma do scho wos einfolln lossn.

(*händereibend*) Werds segn, des wird a tolle Sohe. (*allgemein zustimmendes Gemurmel*)

Oiso hurchts amoi zua.... (*die anderen rücken interessiert näher*)

(Passende Musik zu verrückten Veranstaltungen)

Ende 1. Akt

Beginn 2. Akt

Passende Musik die langsam verklingt und dann beginnt Dialog der Gemeinderäte noch bei geschlossenem Vorhang

(Im 2 Akt treffen sich wieder alle in der Gemeindestube. Stimmung ist schlecht. Man macht dem Checker große Vorwürfe weil die Extrem Games ein totaler Reinfall waren. Man hört eine laute Auseinandersetzung der Gemeinderäte noch bei geschlossenem Vorhang. „Sie san Schuid on der Misere“. „I ko nix dafia“. „Des kummt davo wonn ma ois bessa woas“. „A so ein Hirsch“. „Geh hoid de Pappn“.....)

Vorhang auf

(Sylvia sitzt wieder an ihrem Arbeitsplatz , beteiligt sich nicht sondern ist eifrig mit Schminken, Nägellackieren und Kaugummikauen beschäftigt)

Bürgermeister: (*steht auf - zu allen - beruhigend*)

Meine Herrschoftn – owa vom Gas.

So kumma ma jo a ned weida.

Raffl: (*zu Bürgermeister*)

Owa oans steht auf jedn Foi fest

De X-treme-Games von unserm ehrenwertn Herrn Checker woarn ein totale Blamage.

Mia hom uns zum Gespött von da gonzn Region gmocht. (*ratlose Geste von Checker*)

Wendelin: (*zu Raffl – versöhnlich*)

Geh, so schlimm woars a wieda ned

Raffl: (*zu Wendling – aufgebracht*)

Ned so schlimm ?

(*zeigt auf die Leinwand*) Do bitte, des woar da erste Bewerb.

(*BILD – gesellige Stammtischrunde*).

(*tippt sich an die Stirn*) Vos soi den des bitta fa Sport sei ?

Checker: (*zu Raffl*)

Des woar Extrem on the Stammtisch hucking. (*Schrift auf Leinwand*)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Wer´s am längstausholt , hod gwuna.
(*stolz*) Und do is des Büld von da Siegamonnschoft

(*BILD - Stammtischrunde mit Mumienaussehen und in Spinnweben*)

(*Bürgermeister und Raffl verzweifelte Gesten, Achselzucken bei Wendelin*)

Bürgermeister: (*zu Checker - vorwurfsvoll – deutet auf die Leinwand*)

Und woa woar donn des bittsche ?

(*BILD – von einer Frau mit Bikini im Solarium*)

Checker: (*zu Bürgermeister*)

Des woar Extrem in the Solarium Lieging. (*Schrift auf Leinwand*)
Der Bewerb is guat onkommen.

Raffl: (*zu Checker – sarkastisch seinen Dialekt nachahmend*)

Jo sihalich ... guat ohnkommen.
Do bitte , einer ihrer Teilnehmer.

(*deutet auf die Leinwand und es erscheint BILD von Ötzi mit Sonnenbrillen im Solarium*)

Wendelin: (*zu Raffl*)

Jo mei , jeder Sieg hod seinen Preis.

Bürgermeister: (*zu Wendelin*)

Des woa da Zweitplazierte.
Da Siega ho no vür Ärga ausgeschaut, (*deutet auf Leinwand*)... do.

(*BILD- vom sonnengebräunten Stefan Petzner*)

(*Erschrockene und angekelte Reaktionen von Raffl und Wendelin, Checker macht ratlose achselzuckende Geste*)

Checker: (*zu allen*)

Owa da dritte Bewerb, des miaßns zuagebn, der woar spektakulär.
(*stolz*) Extrem on the Bus-Waiting (*Schrift auf Leinwand*)

Raffl: (*zu Checker – ironisch*)

Jo sehr spektakulär ...(*auf Leinwand zeigend*) üwahaupt de Siegarin vom Damenbewerb.

(*BILD – altes verunzeltes Weiberl mit Stock und Einkaufstasche an Bushaltestelle*)

Checker: (*zu allen – stolz*)

Owa da Siega bei de Männa, der hod a Ausdaua ghobt... meiliawa (*auf Leinwand zeigend*)

(*BILD- Skelett auf Bushaltestelle*)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Raffl: (zu Sylvia - als sie ihr Desinteresse und anderen Aktivitäten bemerkt)

No Sylvia, kimmst zomm mitn Mitschreibn.

Silvia: (zu Raffl - unterbricht aber ihre kosmetischen Aktivitäten nicht)

Des brauch i ned.

I merk ma´s auswendig, im Kopf, und noch da Sitzung schreib is a uf.

(genervte Gesten von Bgmst, Wendelin nickt zustimmend, Checker lächelt)

Raffl: (zu allen - zynisch)

Im Kopf... jo genau... und in Afrika is Muttatog..

(erklärend zu allen) Sie is mit meine Tocht in die Schui gonga.

In Religion hods da Pfoarra gfrogt wia de 3 Eiseilgn hoßn .

Hod sie gsogt.... Schöller , Langnese und Mövenpick.

Sylvia: (zu allen - entschuldigend/erklärend)

Meingott na ...i hob hoid in da Aufregung de Nomen va wechselt.

(trotzig) Hauptsochheit woas i, wia´s hoßn.

Raffl: (zu Sylvia - belustigt)

So, wia denn ?

Sylvia: (zu Raffl - stolz/trotzig)

Iglo, Cornetto und Magnum (Raffl, Checker und Wendelin sind amüsiert, der Bgmst. verzweifelt und beschämt)

Bürgermeister: (zu Checker - ärgerlich - als er merkt das sich dieser über Silvia amüsiert)

Sie lieber Herr Checker so itn sich eigentlich ned üwa meine Sekretärin lustig mochen.

Ich darf sie nur an einen weiteren Bewerb ihres... hirnrissigen Events erinnern.

Checker: (zu Bürgermeister)

Wöchan Bewerb manan se do ?

Bürgermeister: (zu Checker - auf Leinwand zeigend)

Den da ! (Sylvia ist plötzlich auch interessiert und unterbricht ihre Kosmetik)

(BILD Google „Bodybilder mit Bart, Seite 1)

Checker: (zu Bürgermeister)

Aha... jo des war Extrem Dopping! (Wendelin und Raffl - entsetzte Gesten)

Silvia: (zu allen)

Oiso i find, der Bursche schaut goar ned schlecht aus.

Bürgermeister: (zu Silvia - sarkastisch)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Bursche is guat.... des woar de Siegarin vom Damenbewerb.

Raffl: (zu allen)

Owa leida, woar des (auf Leinwand zeigend) goar no ned des Schlimmste bein Herrn Checker seine X-treme-Games.

Wendelin: (zu allen)

Des stimmt.

Am schlimmstn woar am letztm Tog, da Abschluß.

Bürgermeister: (zu allen - verzweifelt als er daran erinnert wird.)

Ah jo de Misswahl !

Checker: (zu Bürgermeister - sich verteidigend)

Owa geh, heite sein doch üwaroll i ggentwölche Misswohln. ..Miss Wörthasee, Miss Austria, Miss Universum....

Des kummt doch guat on gonz besundas bei (zu Wendelin und Bürgermeister) uns Männa, hob i recht.

Wendelin: (zu Checker - greift sich an die Stirn)

Owa doch ned so a Woi zur Miss Extrem Schönheits OP. (Schrift auf Leinwand)

Checker: (zu Wendelin)

Sie sein owa oltmodisch.

Heitzutoge is des doch ka Drama mehr.... mocht doch a jeda

(Richtung Silvia) A bissale Silikon (Silvia richtet verlegen ihr Dekoltee zurecht)

A bissale Botox.

A bissale (macht Scherenbewegung) schnipp schnapp.

Raffl: (zu Checker – vorwurfsvoll)

A bissale, a bissale....(auf Leinwand zeigend) do, so hod de Siegarin ausgeschaut !

BILD mit Schrift „Miss Extrem Schönheits OP 2012“

(Google Riesenlippen, Seite1)

(verständnislose, erschrockene, entsetzte Gesten bei allen ausser Checker und Silvia - die kichert dümmlich)

Checker: (zu allen)

Guat, i gib zua, do is in Dokta des Messale a bissale ausgrutscht ...owa de zweite und de dritte de woarn wirklich top.

BILDER

Google „Reisentitten“ Seite 1,

(Google „Weltrekord-Busen)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Platz 2

Platz 3

(Bürgermeister und Wendelin starren mit offenem Mund auf die Leinwand)

Raffl: *(zu Bürgermeister und Wendelin)*

Dass eich hoid de Augn ned aussafoin.

Bürgermeister: *(zu Raffl – weiter auf Bilder starrend)*

Nur koan Neid Frau Gemeinderot, nur koan Neid.

Raffl: *(zu Bürgermeister)*

Neid, Neid.... gibst ma 10.000 Euro wonn i mi herrichtn loß ?

Bürgermeister: *(zu Raffl)*

I gib da 20.000,-- Euro wonnst di hinrichn loßt. *(erboste Gestik von Raffl)*

Checker: *(zu allen – als er anfängt wenden auch Bgmst. und Wendelin Blicke wieder auf ihn und von Leinwand weg)*

Leitln, mit Streitarein kemman mia net weita.

I waas wohl, dass des mit de Extreme Games, ned des Gölbe vom Ei woar.

(Wendelin, Bgmst, Raffl – „leider“, „wie wahr wie wahr“, „des kenans laut sogn“)

Segts, drum hob i mir auch wos neiches ausgedocht.

Neilich beim Fernsehen is mir die geniale Idee kummen.

Raffl: *(zu Checker – sarkastisch - fragend)*

Bei de heitigen Fernsehsendungen – a geniale Idee ?

Checker: *(zu Raffl - begeistert)*

Genau des is des Stichwort– Frau Gemeinderot FERNSEHSENDUNGEN *(auch Silvia wird nun wieder aufmerksam)*

Bürgermeister: *(verständnislos)*

I vasteh ka Wurt.

Raffl: *(zu Bürgermeister – sarkastisch – kurz einwerfend)*

Des is nix neichs. *(abwertende Handbewegung von Bgmst. Richtung Raffl)*

Checker: *(zu allen)*

Denkts amol noch Leitln.... warum wüll heite a jeda ins Fernseh n ?

Barbara Karlich, Big Brother, Dschunglcamp..... kaum taucht irgentwo a Kamera auf, holtn se schon eahna Gfries eini.

Wendelin: *(zu Checker)*

Wei a jeda Dodl glabter ko berühmt werd n.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Checker: *(zu Wendlin - begeistert – der erschrickt weil er unbewußt das richtige gesagt hat)*

Genau Wendelin.... du hoßts aufn Punkt brocht.

A jeda will berühmt werdn und wonns nur fia 5 Minutn is.

Bürgermeister: *(zu Checker – verständislos)*

Wos hod des hiaz mit unsan Ort ztoa...mit St. Nirgends on der Seicht ?

Checker: *(zu Bürgermeister)*

Jo owa genau des woin mia doch a mit unsan Ort.

Bürgermeister: *(zu Checker)*

Wos ?

Checker: *(zu Bürgermeister – begeistert)*

No berühmt und bekonnt werdn !

Bürgermeister: *(zu Checker)*

Jo jo... des stimmt scho....owa... gonz kon i ihna no ned foign.

Raffl: *(zu Checker)*

Ehrlich gsogti a ned

Wendelin: *(zu Checker)*

I kim a ned gonz mied.

Checker: *(zu allen – begeistert)*

Schauts Leitln, des funktioniert so.

Mia schicken unsare Einheimischn... in olle berühmtn Fernseshows. *(verwunderte Gestik und Mimik der anderen)*

Wos mans wos des va Werbung is, wonn se am Schluß durchsogn.... „ und der Sieger kommt aus St. Nirgends on der Seicht“.

Mit an Schlog is unsa Derfle weltberühmt.

Bürgermeister: *(plötzlich kann er der Idee etwas abgewinnen)*

No jo... des ...des klingt goar ned so schlecht.

(steht auf -träumend) „der Sieger kommt aus dem weltberühmten St. Nirgends on der Seicht...es folgt ein Live-Interview mit dem legendären Bürgermeister Balthasar Wampl“. *(Checker nickt aufmunternd, Silvia klatscht „bravo“, Wendelin und Raffl noch skeptisch)*

Raffl: *(zu Bgmst der noch immer stehend, selig auf ein imaginäres Bild blickt in welchem er sich als berühmten Bürgermeister sieht, der gerade interviewt wird)*

Hallo is da jemand ... kum wieda owa von deine Woikn.

Wo soima denn de Leit herkriagn, de wos bei soichene Shows üwahaupt mittan ... *(Bürgermeister erwacht aus seinem Tagtraum und setzt sich wieder)*

Wendelin: *(den Gedanken weiterführend)*

... und donn a no gwinan.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Checker: (zu allen)

Owa mein Herrschofn, nur ka folsche Bescheidnheit.
Do brauch ma doch goar ned lange suahn. (*Gemeinderäte blicken sich ratlos an*)
Do im Gemeinderot san doch olle vurhondn de wos ma brauhn

Raffl: (zu Checker – skeptisch – sich die anderen Personen verächtlich ansehend)
In unsan Gemeinderot no donn vü Glück.

Checker: (zu Raffl)

Nehmans doch sich söwa her Frau Raffl.
Sie san eine bodenständige, rustikale und resolute Person.
Sie schick ma zu ...BAUER SUCHT FRAU .

Raffl: (zu Checker – zustimmend – leicht verlegen)
Probieren kunnti´s.

Bürgermeister: (sarkastisch)

„Wer will mich“ hätt bessa passt.. (*Raffl kurz erbost zu Bgmst. „du geh...“*)

Checker: (auf Silvia zeigend)

Und des Frl. Silvia, unsere Dorfschönheit (*Silvia geschmeichelte Geste*) de bewirbt sich selbstverständlich bei NEXT TOP MODEL (*Silva erfreute Geste*)
Sie bringt dafür nämlich zwa äußerstwichtige Voraussetzungen mit, nämlich „Viel“ und „Hoch“. (*Silvia steht erfreut auf um ihre Reize besser zu präsentieren*)

Bürgermeister: (zu Checker – fragend)

Wos... viel und hoch ...?

Checker: (erklärend)

No jo i man natürlich (*deutet Busen an*) viel ...Ausstrahlung und hohe Obsätze.

Raffl: (sarkastisch)

De hod sogoar no zwoa ausgezeichnete Voraussetzungen für Next Topmodel nämlich „wenig“ und „nieder“

Silvia: (zu Raffl - verschämt)

I woas scho... se manan wenig Gwicht und niederer Kalorienbedarf.

Raffl: (zu Silvia - kurz und bündig)

(*in gleicher Weise wie Silvia*) Nein wenig Hirn und niederer Intelegenzquotient.
(*Silvia setzt sich abrupt und beleidigt wieder nieder*)

Checker: (zu allen – auf Wendelin zeigend)

Und unsan äußerst gebildeten und belesenen Wendelin Schusslig, den schick ma – eh kloar – zum...Assinga.
Mit seinem Ollgemeinwissn ois Lehra, wir der ein Star in der MILLIONENSHOW.

Raffl: (zu allen – sarkastisch)

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Mit sein Oarbeitsgeist ois Lehrer wirda a Star bei PLEITEN , PECH UND PANNEN.

Wendelin: (zu Raffl – beleidigt)

Werns ned persönlich, Frau Raffl.

Checker: (zu Bürgermeister)

Und jetzt zu eahna , Herr Wampl.

Bürgermeister: (zu Checker - verblüfft)

Wos, i soi a mittoa...?

Checker: (zu Bürgermeister - begeistert)

Owa natirlich.

A Buagamasta , der braucht jo besondere Fähigkeiten... is jo schließlich da Chef im Dorf.

Sie schick ma zu ... DAS SUPERTALENT. (Bürgermeister reagiert stolz und geschmeichelt während Raffl zynisch lacht... „no bravo sog i “)

Bürgermeister: (zu Checker – stolz und geschmeichelt)

Oiso ihna Idee mit de Fernsehsendungen , de gfoit ma oiwei bessa.... owa... (kratzt sich nachdenklich am Kopf)

Checker: (zu Bgmst.)

Owa wos...?

Bürgermeister: (zu Checker – nachdenklich)

I frog mi... wöches von meine Supatalente, dass i bei der Sendung einbringa soi. (Raffl greift sich an de Kopf) Wos soi i durt genau mochn....?

Checker:(unschlüssig)

No jo.....?

Raffl: (zu Bgmst. – zynisch)

Geh des liegtdo auf da Hond. (Wampl blickt fragend)

Tuast oafoch des gleiche wia aufolle Wiesenfest.

Bürgermeister: (zu Raffl – begriffsstutzig)

Wos ?

Raffl: (zu Bgmst. – zynisch)

Depat Redn ... Fressn Saufn.... nix Zoin.... Hoamwogln.

Wendelin: (zu Raffl)

Des woar gehässig.

Bürgermeister: (zu Wendelin)

No jo... so unrecht hod´s goar ned.

(stolz) Mei Rekord im letztn Woikompfliegt bei 5 4 3 2 1

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Wendelin: (zu Bgmst. fragend)

5 4 3 2 1 ???

Bürgermeister: (zu Wendelin - stolz)

5 Grillhendl , 4 Stözn, 3 Doppla Weiß, 2 Fassl Bier und des gonze on... 1 Sunntog.
(Anerkennende Gesten von Wendelin, Kopfschüttln bei Raffl)

Checker: (zu allen)

Siagst schau, do homma schon unsa Supatalent.

Bürgermeister: (einwendend)

I woas nurned ob sie des mit meine gonzn Termine vaeinborn loßt.
(zu Silvia) Silvia , geh schau´ s amoi wos nächste Wochn auf mein Kalenda steht.

Silvia: (nimmt Kalender zur Hand und liest)

Montag, Dienstag, Mittwoch.... (Wendelin und Raffl lachen, Bürgermeister verzweifelte Gestik.)

Checker: (zu Bgmst)

Des kriagn ma schon hin, do hon i ka Ongst.
(zu allen) Hiatz brauch ma nur noch a geeignete Sendung für meine Wenigkeit...und
denn is de gonze Sohe geritzt.

Wendelin: (zu Ckecker)

Wia wa´s mit ana Koch Show.... DAS PERFEKTE DINNER

Raffl: (sarkastisch)

Do werma nix reißen ...mit unsan Polenta-Flüchtling. (leicht beleidigte Geste von Checker)

Owa i hoba bessare Idee.

Bei seina Partei dem BZÖ, do braucht ma möglichst wenig Rückgrat.

Checker: (zu Raffl - ungehalten)

Wos soll dos hassn ?

Raffl: (zu Checker)

No jo womma koa Rückgrat hod, is ma sehr biegsam und geschmeidig, oiso bestesn geeignet für die DANCINGSTARS. (Zustimmung der anderen)

Checker: (zu Raffl – leicht verlegen)

No jo ... won se mahnen.

Bürgermeister: (zu allen – zufrieden)

No oiso, donn hätt ma´s jo .

Jeda wird seinen Fähigkeiten entsprechend eingesetzt. (Zustimmende Gesten aller)

(zu Silvia) Frl. Silvia , i hoff sie hom notiert, wer jetzt genau zu welcher Sendung angemeldet wird.

Bestimmungen:

Unerlaubte Aufführungen, unerlaubtes Abschreiben, Vervielfältigen, Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Rundfunk Verfilmung, und Fernsehübertragung sind vorbehalten. Das Recht der Aufführung erteilt ausschließlich der Verlag.

Silvia: (zu Bürgermeister – geht zu seinem daneben befindlichen Drucker)

Ka Ongst Chef, de Bewerbungen san scho olle a usdruckt. (zeigt Blätter her)

Brauch i nurmehr einkuvertieren und wegschickn.

Wendelin: (zu allen)

Jetzt sogt´s owa nix mehr, wia fix unsa Silvia is.

Raffl: (zu Wendelin – sarkastisch)

Jo jo...hoffentlich steckts de Bewerbungsschreiben ned wieda in Reißwoif, wia letzte Wochn de Pläne vom Bauomt.

Silvia: (zu Raffl – naiv, entschuldigend)

Wos ko i dafia.

I hob glaubt des is da Kopiera. (Lächeln bei Wendelin und Checker, Verzweiflung bei Bgmst)

Bürgermeister: (zu allen)

I glaub es is in unser aller Interesse, womma de Sitzung jetzt beenden.

Donn ko jeda hamgeh und sich auf die kommenden, schweren Aufgobn vorbeiten

(allgemeine Zustimmung und Aufbruch/Verlassen der Bühne – nur Silvia bleibt am

Arbeitsplatz)

*Das ist ein Auszug als Leseprobe aus dem Theaterstück
"Showtime" von Christian Oberthaler*

**Sie möchten das ganze Theaterstück lesen?
Dann bestellen Sie doch einfach den kompletten Text als kostenlose Leseprobe
auf unserer Webseite.**

Auf unserer Webseite unter dem Theaterstück

Grüne Bestellbox: Kostenlose Leseprobe, kompletter Text

Rote Bestellbox: Rollensatz

Blaue Bestellbox: Leseprobe per Post oder Zusatzheft zum Rollensatz

Wenn Ihnen das Theaterstück gefällt, dann bestellen Sie doch den kompletten Rollensatz im Internet auf unseren Webseiten.
www.mein-theaterverlag.de -- www.theaterstücke-online.de – www.theaterverlag-theaterstücke.de
www.nrw-hobby.de

Bestimmungen:

Unerlaubte Aufführungen, unerlaubtes Abschreiben, Vervielfältigen oder Verleihen der Rollen müssen als Verstoß gegen das Urheberrecht verfolgt werden. Alle Rechte, auch die Übersetzung, Verfilmung, Rundfunk- und Fernsehübertragung sind vorbehalten. Das Recht der Aufführung erteilt ausschließlich unser Verlag.

Vertrieb

mein-theaterverlag
41849 Wassenberg, Pakeniusstr. 15

Telefon: 02432 9879280
e-mail: info@verlagsverband.de

www.mein-theaterverlag.de – www.theaterstücke-online.de – www.theaterverlag-theaterstücke.de. – www.nrw-hobby.de